

**TOSHKENT  
TUMANLARARO  
IQTISODIY SUDI**



**TASHKENT INTER-  
DISTRICT  
ECONOMIC COURT**

100097, Toshkent shahri, Cho'pon-ota  
ko'chasi, 6

100097, Tashkent, Chopon-ota street, 6

Tel: (+99871) 273-26-55, Fax: (+99871) 273-27-68

e-mail:

is.tt.st@sud.uz

**А Ж Р И М**

*(даъво аризасини кўрмасдан қолдириш тўғрисида)*

**Тошкент шаҳар  
2207/3294-сонли иш**

**2022 йил 18 февраль**

**4-1001-**

Тошкент туманлараро иқтисодий суди, судья О.Гулямова раислигида, судья ёрдамчиси С.Жобборованинг котибалигида, Тошкент вилояти Пискент тумани фермер, деҳқон хўжаликлари ва томорқа ер эгалари Кенгашининг даъвогар "G`olib" ФХ манфаатида жавобгар "Nature Cotton" МЧЖ шаклидаги ХК ҳисобидан 97 975 616 сўм асосий қарз ва 48 987 808 сўм пеня ундириш тўғрисидаги даъво аризаси ва унга илова қилинган ҳужжатларни, тарафлардан: кенгаш вакили О.Ҳайдаров (ишончнома асосида), даъвогар вакили Ғ.Исматов (рахбар) ва жавобгар вакили В.Сахибов (рахбар) иштирокида ўз биносида, очиқ суд мажлисида кўриб чиқиб, қўйидагиларни

**А Н И Қ Л А Д И:**

Тошкент вилояти Пискент тумани фермер, деҳқон хўжаликлари ва томорқа ер эгалари Кенгаши (бундан буён матнда кенгаш деб юритилади) "G`olib" ФХ (бундан буён матнда даъвогар деб юритилади) манфаатида Тошкент туманлараро иқтисодий судига даъво аризаси билан мурожаат қилиб, "Nature Cotton" МЧЖ шаклидаги ХК (бундан буён матнда жавобгар деб юритилади) ҳисобидан 97 975 616 сўм асосий қарз ва 48 987 808 сўм пеня ундиришни сўраган.

Суд мажлисида иштирок этган кенгаш вакили даъво талабларини қўллаб-қувватлаб, суддан даъво аризасини тўлиқ қаноатлантиришни сўради.

Суд мажлисида иштирок этган даъвогар вакили жавобгар томонидан мавжуд қарздорлик ҳали-хамон қопланмаганлигини билдириб, суддан даъво аризасини тўлиқ қаноатлантиришни сўради.

Суд мажлисида иштирок этган жавобгар вакили Тошкент туманлараро иқтисодий судининг 2022 йил 31 январдаги 4-1001-2113/49186-сонли ҳал қилув қарори билан жавобгар банкрот деб



топилганлигини ва тугатишга доир иш юритиш бошланганлигини билдириб, суддан даъво аризасини кўрмасдан қолдиришни сўради.

Суд, тарафлар вакилларининг важлари ва тушунтиришларини тинглаб, иш хужжатларини ўрганиб чиқиб, жавобгар банкрот деб топилганлигини инобатга олиб, қуйидаги асосларга кўра даъво аризасини кўрмасдан қолдиришни лозим топади:

Иш хужжатларидан кўринишича, "G`olib" ФХ ва "Nature Cotton" МЧЖ шаклидаги ХК ўртасида 2019 йил 18 февралда пахта хом ашёси ва уруғлик пахта харид қилиш бўйича 138-сонли контрактация шартномаси тузилган.

Шартноманинг 1.1-банди талабига кўра хўжалик (даъвогар) шартноманинг 1.2-бандида кўрсатилган 124,6 тонна пахта хомашёсини харидор (жавобгар)га қайта ишлаш ёки сотиш учун етказиб бериш, харидор эса ушбу маҳсулотни келишилган муддатларда муайян нарх бўйича ҳақини тўлаб харид қилиш мажбуриятини ўз зиммасига олган.

Хўжалик контрактация шартномасига асосан харидорга 125,1 тонна, яъни 537 291 165 сўм қийматидаги пахта хом ашёсини етказиб берган.

Харидор томонидан тўловлар қисман амалга оширилган ва натижада 97 975 616 сўм қарздорлик қопланмай қолган.

ИПК 107-моддасининг тўққизинчи бандига мувофиқ агар, жавобгарга нисбатан банкротлик тўғрисида иш қўзғатилган бўлса ва жавобгарга нисбатан тақдим этилган талаб қонунга кўра банкротлик тўғрисидаги иш доирасида кўрилиши лозим бўлса, суд даъво аризасини кўрмасдан қолдиради.

Мазкур ҳолатда суд даъвогар томонидан жавобгарга нисбатан билдирилган 97 975 616 сўм асосий қарз ва 48 987 808 сўм пеня ундириш тўғрисидаги даъво талаби банкротлик тўғрисидаги иш доирасида кўрилиши лозим деб ҳисоблайди ва шу муносабат билан даъвони кўрмасдан қолиришни лозим топади.

Юқоридагилардан келиб чиқиб, ИПКнинг 107, 128, 170, 195, 196-моддаларини қўллаб, суд

### **А Ж Р И М Қ И Л Д И :**

Тошкент вилояти Пискент тумани фермер, деҳқон хўжаликлари ва томорқа ер эгалари Кенгашининг даъвогар "G`olib" ФХ манфаатида киритган, жавобгар "Nature Cotton" МЧЖ шаклидаги ХК ҳисобидан 97 975 616 сўм асосий қарз ва 48 987 808 сўм пеня ундириш тўғрисидаги даъво аризаси кўрмасдан қолдирилсин.

**Ажрим устидан бир ойлик муддат ичида Тошкент шаҳар судининг иқтисодий ишлар бўйича судлов хайъатига апелляция тартибида шикоят бериш (протест келтириш) мумкин.**

**Иш апелляция тартибида кўрилмаган бўлса, ажрия устидан кассация тартибида шикоят қилиниши (протест**



**келтирилиши) мумкин эмас.**  
**Судья**

**О.Гулямова**

Хужжат имзоланган: Гулямова Озода Миркамаловна, 18.02.2022

